

Paerewa Paetae

Aronga	Tikanga ā-lwi 3.9		
Ingoa	Te tātari i ngā pāpātanga o te tāmitanga ki te iwi taketake		
Kaupae	3	Whiwhinga	4
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Tikanga ā-lwi		
Mana rēhita	Kua rēhitatia	Te rā i mana ai	17 Whiringa-ā-rangi 2016
Te rā e arotakengia ai	31 Hakihea 2019	Te rā i puta ai	17 Whiringa-ā-rangi 2016

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Matua

Te Whakaritenga Pāpori me te Ahurea

I roto i te whenu o Te Whakaritenga Pāpori me te Ahurea ka whakawhanake mōhiotanga te ākongā ki:

- *ngā motika, ngā tūranga me ngā haepapa o te tangata i a ia e pāhekoheko ana i waenga rōpū.*

Whāinga Paetae

Tikanga ā-lwi

8.1 Mā ngā whakapono tōrangapū e waihanga te porihanga, ā, e rerekē ana te urupare a te takitahi, a te rōpū rānei ki ēnei whakapono tōrangapū.

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te tātari i ngā pānga o te tāmitanga ki te iwi taketake.</p>	<p>Hei tohu i te paetae:</p> <ul style="list-style-type: none"> • Ka whakamārama i ngā tukanga tātāmi iwi taketake i whāia, me te momoho o aua tukanga. • Ka matapaki i ngā urupare a te iwi i tāmia, me ngā hua wā poto, wā roa hoki i puta ake, ka taunaki ai.
<p>Kaiaka He kaiaka te tātari i ngā pānga o te tāmitanga ki te iwi taketake.</p>	<p>Hei tohu i te kaiaka:</p> <ul style="list-style-type: none"> • Ka whakataurite i ngā iwi taketake i pāngia e te tāmitanga, ngā tukanga tātāmi i a rātou, me ngā urupare a ngā iwi. • Ka whakamārama i ngā hua wā poto, hua wā roa hoki i puta ake, ka āta taunaki ai.
<p>Kairangi He kairangi te tātari i ngā pānga o te tāmitanga ki te iwi taketake.</p>	<p>Hei tohu i te kairangi:</p> <ul style="list-style-type: none"> • Ka whakataurite i ngā iwi taketake i pāngia e te tāmitanga hei whakamārama i ngā hua whānui i puta ake, ka āta taunaki ai. • Ka whakaputa whakaaro mō ngā tukanga kē atu hei rongoā i ngā tāmitanga ā ngā rā kei te heke iho.

Kōrero Āpiti

1. E whai ake nei ngā whakamārama o ngā tino kupu, kīanga rānei:

<p>ngā hua wā poto me ngā hua wā roa i puta ake</p>	<p>He hua pai pea, he hua kino rānei, ā, tae atu pea ki:</p> <ul style="list-style-type: none"> • te pānga ki ngā mea taketake: ngā uara, ngā whakapono, ngā mātāpono, ngā whakaaro, ngā tautake, ngā tirohanga pāpori, tōrangapū, ngā tikanga, ngā ture • te pānga ki ngā hangarau taketake, hei tauira, te tunu kai, ngā kākahu, ngā whare • te pānga ki te mana whenua, me te whakahaere mana whenua • ngā kaupapa here ā-rohe, ā-motu, ā-ao hei raupatu whenua • ngā kaupapa here ā-rohe, ā-motu, ā-ao hei whakakore i te reo taketake • te pānga ki te reo ā-tuhi, reo ā-waha • te iti haere o te mana o te iwi taketake me te kaha ake o te mana o ngā kaitāmi • ngā pānga ohaoha • te pānga ki te hauora.
<p>ka taunaki ai</p>	<p>Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.</p>

ka āta taunaki ai	Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko: <ul style="list-style-type: none"> • te uiui tāngata • ngā tuhinga hītori • ngā pūrongo moheni, nūpepa rānei • ngā raraunga • ngā waiata tawhito.
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233